

Sacramentirer zuschreiben / so lassen sie es Ihr gar wol gefallen / sehen es auch gnediglich vnd gerne / etc. Mag demnach vnser Politicus sich wol bedencken / ob diß sein fürgeben / Churfürstlicher reputation vnd hoheit gemess sene / oder wol le vns andere böse Leute namhafft machen.

## Der Sechste vnd letzte Beweis.

Wirdlich so wird dem Faß der boden gar  
ausgestossen / vnd mus D. Luther auch  
wider seinen willen / auff gut Calvinisch lez-  
lichen gestorben vnd abgeleitbet seyn. Denn  
also schreibet Herr Johann von Münster:

Vorrede  
b. viij vñ c.

Lutherus seeliger hat Anno 1546.  
am 23. Januar. gegen Herrn Phi-  
lippu Melanchthone bekandt/  
das er in der sachen vom Sacra-  
ment zu viel gethan habe. Nach  
welcher bekändtnis / er nur 28.  
Tage / nemlich biß zum 18. Fe-  
bruarii gelebet : Vnd gleichsam  
auff der gruben diese Bekändtnis  
der posteritet / durch Philip-  
pū Melanchthonem nachgelas-  
sen